

引至幕
謝師

靈寶領教濟度金書卷之一百九十六

靈寶領教濟度金書卷之一百九十七一百九十八同卷

洞微高士開光教苦真人竊金真授

靈寶通玄弘教水南先生林靈真編

科儀立成品安宅 齋用

謝恩醮儀

燒香頌

各禮師存念如法

衛靈

五星高耀 瑞炁飛浮 元始集神 天地交周

玉符寶節 嘯命微幽 擲火揚威 奸兇無留

萬魔探伏 紛葩却消 摧怪伐惡 道炁周流

神光照夜 陰翳俱收 萬仙降格 屬景乘風

群生成遂 惠通神州 和輿道合真

鳴法鼓二十四過

發爐

元上三天玄元始三炁太上道君太上老君

召出臣等身中三五功曹左右官使者侍香

金童傳言散花玉女五帝直符直日香客各

三十二人出出者嚴裝闡啓玄壇天帝神君

當召此間土地里域真官正神急上關啓臣

今奉為入意以令陞壇設醮願得

玉清道炁靈寶妙光下降流入臣等身中即

使玄壇清淨內外成真天無氛穢地絕杖塵

琳琅振響十方爾清萬魔不干真誠上徹令

臣所啓之誠速達徑御

至真無極大道昊天玉皇上帝御前

請稱法位

具位奉行五土齋醮法事小兆臣某與臨壇

官衆等謹同誠上啓

太上無極大道虛無自然元始天尊太上道

君太上老君昊天玉皇上帝南極天皇帝

北極紫微大帝南極長生大帝東極青華大

帝后土皇地祇九天生神上帝三十二天上

帝五靈五老上帝三十六部尊經玄中大法

師上清十一曜真皇君南斗六司真君北斗

九皇真君二十八宿星君營室虛危星君土

公土吏蓋屋土司空星君辟土宮孤矢星君

赤玄樞機三省諸相真君北極四聖真君三

元三官帝君靈寶五師真君九天諸司真君

天曹諸司真君祖師列位真君三洞四輔經

錄法部諸省府院司仙靈將吏五嶽五帝具
 君五天聖帝洞天福地靖虛治化仙真主宰
 本靖祖玄真師真人經籍度師真人北陰鄧
 都大帝水府扶桑大帝九壘土皇君土府五
 方大帝南離北坎東震西兌四面方隅禁忌
 神君本府本縣城隍司主者當境土地里域
 真官三界官屬一切威靈臣聞圓方勢莫鴻
 濛凝高厚之精清濁稟殊混洞結陰陽之粹
 上列天星而錯落下羅地宿以包維無色無
 淵悉裁成於紫極有象有數盡總制於清微
 故凡版築之經營宜屬甄陶之主宰今顯官
 某肯堂肯構宜室宜家處徒役之告圓有方
 維之凌犯建齋懺謝首過十華行道修持言
 功四極茲少殫於菲薦庸格露於菸忱伏望
 清輝傳聲丹靄迤邐玲瓏羽蓋離碧落以徘徊
 繡紗寬旌降紫虛而焯焯八遐之瓊輪驟
 乘六合之瑞輦翼轡普詣道場聽宣衷悃臣
 不勝瞻天望聖激切屏營之至謹稽首再拜
 奏請

請聖

三界衆真懸筵列聖適伸拜請諒沐光臨請
 各整於仙班共拱迎於
 帝取

降九位

鸞輿至上止鶴駕臨軒與懸衆真如儀朝禮朝
 禮既周請陞懸席齋主上香設拜初進酒

初獻

重稱法位

具位臣某謹同誠上啓

三清上聖十極高真圓穹之仙聖真靈方域
 之曹僚主執三界內外一切真靈臣聞元始
 開圖灑八紘之法兩虛皇撫運疏九軌之慈
 雲林真執於蒼生奕奕覆盆於赤子巢居
 穴處昭洪荒淳厚之風樞峙構衡彰末運澆
 淳之俗方維攸設禁界爰興昭昭明星俯靈
 輝而御政策焚燄暗然潛威悉以持鈞非上扣
 於德音屬下枚於刑令今齋生某謀心生聚
 苦志修營興百堵以奠螭廬相其原瀦飭五
 材而協龜策食彼林泉爰鳩斧鐻之徒肆摩
 斧斤之役庶工兩集衆力雷同輪奐美哉幸

慈然之迄就版築備矣慶丹腹之有成練日
 修居涓辰爰處深處相宅之經始爰暨作室
 之告終綿歷歲時周延疆界冒陽曦之旁午
 戾微鈞凌犯陰然之張皇扶氛鼓怒匪重釐
 於圓昊曷斂福於方坡齋按三天肅真靈而
 楨謝壇崇九地降仙聖以祈禳觀奉龍恩悉
 頌鶴社更深蓬茅之陋庸殫蘋藻之誠瑟縮
 蕪章殷勤藤檟觀瞻於蟻佃庶微輅於鴻
 庥具有心詞謹當宣告

宣詞

詞旨具嚴仰塵淵聽九關虎豹曷騰景以階
 升八陛龍鸞借凌風而樂奏日監企詢羌之
 德時啟瞻采菲之仁伏願聽卑不遺質旁有
 翼鑿丹誠於激切流洪福於便蕃雲斂九華
 秩玉醴金英而激響煙籠三秀漱瓊漿瑤饌
 以流明情見乎辭儀不及物臣無任激切屏
 營之至望闕謝恩謹當亞獻

亞獻

具位臣某謹重誠上啓
 三清上聖十極高真圓穹之仙聖真靈方域

之曹僚主執三界內外一切真靈臣聞九星五行張經緯於天上四維八卦羅枝幹於地中上下交而逆順縱橫陰陽定而飛伏帛替龜圖啓秘衡萬井之災祥孤矢融玄權千家之機背觀形勢則去來指掌練時日則遐邇謀心倘向背之乖宜則吉凶之殊應今齊主某仰慮辛勤考室激勵管家或夷淵實丘鑿陂池而斷地脈或崇陵室階接岡隴而亘山源罔識禁方不知煞位或運魔式凌於五鬼或鳩材輕冒於九良金神鶴神恣掘除而莫避定命撞命任堆塚以弗思或還辰昧刑德之宜或涓時忘奇儀之向或精差月齋迴動土以遷延或詳辨星籌復興工而急切不思生免制化之理罔知報歷勝復之方上忤天元下妨地禁家分千指慮災挺於他時人聲一心冀祥聞於異日敢資陶治庸輅鈞衡伏願列聖悃懷萬靈扶佑察萎忱之激切鑿芥采之勤渠申飭靈曹勅威芒而退舍戒嚴真局進德曜以臨維曲原凌冒之無知普錫版依之有造已犯者退凶千步神錫禎祥未犯

者襲吉一家星流福慶各鎮守於方隅毋凌撓於疆域即使齊主某舍宇光華歲常臻於喜氣門庭清貴時每行於歡聲慶雲籠而長幼咸安景星榮而尊卑泰定壺天不夜公私永絕於風波福地長春內外悉安於日月千齡益茂百世其昌簪紱連榮迓公侯之襲襲箕裘克紹慶孫子之綿綿樂事無涯家聲不墜蒙格垂於鑒領實昭佩於恩光上願三極熙平四靈振耀風雲歲斂草木輝華絕紫塞飲馬之聲三邊息燧免黃龍遺燿之警四野操犁觀治象於梯航曉德輝於鈞祭人民品物並受生成神鬼龍仙普資化育臣無任懇切之至禮行終獻

終獻

送聖

臣謹重誠上啓
三清上聖十極高真十方無極大道道德衆聖天尊至真大帝天帝三十六部尊經玄中大法師土府太皇太始五帝中央戊己應感真靈咸望洪慈俯回洞鑒臣聞應天以寶敢

禪饗上之儀事帝必恭爰露由中之禱曲荷玄綱之蕩蕩幸究聖紀之巍巍依玉承家四魔煙滅斷金居室五炁雲行允昭從欲之仁式佩宣慈之化以今瓊缸焰冷寶鼎煙沉漏斷銅壺瞻玉杓之影轉聲搖翠鞦銀漢之光凝霄輝華羽蓋之旋夜蒸湛霓旌之遽諸天復位萬聖迴轅臣等控挽無從攀留莫遂紫煙上下徒瞻紫炁於青冥碧霄後先敢企靈華於碧落臣下情不勝依戀之至謹稽首再拜奉送

迴轅頌
復爐

靈寶領教濟度金書卷之一百九十七